

四庫全書

集部

欽定四庫全書

集部

東洲初稿卷十

詳校官庶吉士_臣李如筠

中書_臣劉源溥覆勘

總校官庶吉士_臣何思鈞

校對官助教_臣卜惟吉

謄錄監生_臣魏繩曾

繪圖監生_臣周濟

欽定四庫全書

東洲初稿卷十

明 夏良勝 撰

天文便覽叙

天地人之道均學者之所當知也而有精粗緩急焉天地之化育烝民之秉彛形而上者也七政羣曜之在天山川草木之在地禮樂文物之在人形而下者也茲不有精粗之別邪儒者之學凡皆所當知語其序必先從


事於禮樂文物之間而求明其所秉之彛夫然後始可
擬議化育之妙此急彼緩蓋有秩乎不可紊者是以聖
賢之垂訓也恒諄諄乎其所急而所緩者或畧焉乃如
厯象之說固非以為儒者之諱談也孟子曰天之高星
辰之遠苟求其故千歲日至可坐而致謂孟子而不知
厯象之事則其所謂故者何也孔子嘗刪定矣月離于
畢之雅好風好雨之範至今而並存孔子不以厯象為
異端之說可知矣後世之師孔孟者多委是於星官卜

史之微伎蓋自陸子之時而已然非曰孔孟未嘗明以
示人哉論語有之矣多識鳥獸草木之名夫草木鳥獸
則其識之也欲多故爾雅不足後儒又從而埤之成象
於天者反不如鳥獸草木之有取乎而顧不得比於蟲
魚之譜盛行於天下者豈以天道之遠雖專門如禪竈
不驗於鄭之復火儒雅若仲舒而卒詒災異之譏乎是
固有然者而卒并其名象忽之則已甚矣故泥其徵應
而不務民之義者惑也謂其幽微而遂比諸仇毒者亦


惑也講其所當知而不溺於所難知縱不得夫化育之妙獨不足以資多識邪或謂法有所不得為故儒者不語吁豈知立法之意者哉我聖祖患人狃於推步之說有至妄談禍福而憤亂黔首者是以禁之若儒者窮理博物之資而曰亦其所禁則洪範周易不得列於學官而諸史天文之志尤在所宜刊去也率天下之士而趨於淺陋固滯必是說夫柳塘楊先生釐正宋人天文圖鏡石以徧學者吾友東洲居士以有圖有書觀者乃可


得其詳於是垣宿以經之名象以緯之貫之以度數會
辰既不削夫古之分野至每七宿之後復以本朝之地
志分而隸之且畫土圭之法附于末簡若夫占候之說
半辭不錄可謂得是書之體矣學者由柳塘之圖可以
見天象之全體由東洲之書可以識二圖之判合窮經
之餘晷則俯察於圖書朗霽之良宵則仰觀乎懸象吾
見瑤空文物之美聊可粗識而推步之事則有司存焉
雖然天下無無理之器子在川上而斯道之體躍如也


況萬象昭然天之至教常以示人者由是而契上天之
載睿智者自有得於圖書之外至於博雅之助東洲是
冊之行夫豈少哉書成寄示俾叙之余不足以知天之
文而得其意於三復之後于是乎贅言之其書名天文
便覽云正德庚午除夕之前夕行齋謹叙





右三垣之象紫微居中臨正北而南面故謂之北極并垣之内外所隸一百六十二星其名六十微者八十明者八十有二太微為上垣位臨東南其垣内外所隸七十六星其名三十微者二十一明者五十有五内少微雖在西掖但四星不成垣次故為太微之屬天市為下垣位臨東北其垣内外所隸八十八星其名三十有九微者十明者七十有八三垣共三百二十一星是為天帝行宮運無方位故亦莫窮其度而不在分野之數也















天江



尾


傳說

魚




龜

神宮



○ 糠



右七宿以土圭定其方位自軫十七度至亢三度為
辰亢四度至氐七度為巳氐八度至心一度為卯心
二度至尾八度為甲尾九度至箕六度為寅箕七度
至斗十度為艮故曰東方之宿細分之則角二星十
二度隸四十五星其名一十有四亢四星九度隸十
有八星其名六氐四星十六度隸五十星其名十有
一房四星六度隸十七星其名七心三星六度隸十
二星其名一尾九星一十九度隸十一星其名四箕

四星一十一度隸四星其名二是七宿三十星所隸
一百五十七星行天七十八度躔次分野備列如左

角亢分

河南 開封府

禹貢兗豫二州之域

角亢氐分

河南 汝寧府

禹貢豫州

房心分

南直隸 徐州

尾分

北直隸

永平府

隆慶府

禹貢冀州
為營州

虞東北

尾算分


順天府


禹冀
虞幽


保定府


河間府


俱冀州

















右七宿以土圭定其方位自斗十一度至牛一度為丑
牛二度至女八度為癸女九度至危五度為子危六度
至室三度為壬室四度至璧三度為亥璧四度至奎八
度為乾故曰北方之宿細分之斗六星二十五度隸五
十五星其名九牛六星七度隸五十九星其名十女四
星一十一度隸五十一星其名十有八虛二星九度少
強隸三十一星其名十危三星十六度隸五十三星其
名十室二星十七度隸二百零七星其名一十有二璧

二星九度隸二十六星其名五是七宿二十五星隸三百五十六星行天九十四度少強躔次分野備列如左
斗分

南直隸 應天府 蘇州府 松江府 常州府

鎮江府 廬州府 安慶府 太平府

寧國府 徽州府 池州府 廣德州

和州 滁州

浙江省 杭州府 嘉興府 處州府

江西省 南昌府 饒州府 臨江府 袁州府

廣信府 建昌府 撫州府 瑞州府

贛州府 已上俱揚州 南康府 吉安府 荆揚二州

牽牛分即斗也

廣東省 潮州府 揚州

斗牛分

南直隸 揚州府 淮安府 揚州

浙江省 湖州府 揚州

江西省 九江府 荊揚二州

女分

福建省 建寧府 揚州

廣東省 惠州府 揚州

牛女分

浙江省 嚴州府 金華府 衢州府

紹興府 寧波府 台州府 俱揚州

福建省 福州府 泉州府 延平府

汀州府 興化府 邵武府

漳州府 俱揚州

廣東省 廣州府 韶州府 南雄府

肇慶府 已上俱揚州

高州府 越地 雷州府 瓊州府 粵地

已上三府不入禹貢以星分同而附之

斗牛女分

浙江省

温州府 揚州

危分

山東省 濟南府 登州府 萊州府 俱青州

虛危分


山東省 青州府 青州


危室分


山東省 東昌府 兗州


室璧分


河南省 鄆德州 衛輝府 懷慶府 冀州

















右七宿以土圭定其方位奎九度至婁八度為戌婁
九度至胃十一度為辛胃十二度至昂十一度為酉
畢一度至畢十三度為庚畢十四度至井一度為申
故曰西方之宿細分之奎十六星十六度隸二十八
星其名九婁三星十二度隸三十星其名五胃三星
十五度隸三十六星其名六昂七星十一度隸四十
星其名八畢八星十七度隸九十四星其名十有五
觜三星一度隸一十三星其名二參七星十度隸一

十八星其名六凡七宿五十星所隸二百三十一星
行天八十二度而躔次分野備列如左

奎婁分

山東省 兗州府

徐兗二州

昴分

北直隸 順德府

冀州

昂畢分

北直隸 真定府

冀州

山西省 大同府 尚冀州 虞井州


紫參分

山西省 平陽府 澤州 冀州 松潘司

疊溪所

參分

四川東川軍民司 已上俱梁州








●
天紀














右七宿以土圭定其方位井二度至十五度為坤坤
十六度至三十度為未三十一度至柳十一度為丁
柳十二度至張八度為午張九度至翼四度為丙翼
五度至軫二度為巳軫三度至十八度為巽故曰南
方之宿細分之井八星三十四度隸六十二星其名
一十有六鬼四星二度隸二十五星其名六柳八星
十四度隸三星其名一星七星七度隸二十九星其
名八張六星十七度隸十四星其名一翼二十二星

一十九度隸五星其名一軫四星一十七度隸四十
八星其名七凡七宿六十星隸一百八十二星行天
一百一十度其躔次分野備列于左

參井分

山西省 太原府 遼州

冀州 并州

四川省 順慶府

梁州

貴州宣慰司

荆梁二州

井鬼分

陝西省 西安府 鳳翔府 平涼府

鞏昌府 寧夏衛 洮州衛

行都司 俱雍州 河州衛

靖虜衛 不在星分以野同而附此

四川省 成都府 保寧府 叙州府

重慶府 行都司 潼川州

蒼州 嘉定州 瀘州 雅州

烏蒙軍民府 芒部府 播州司

永寧司 龍川司 天全司 黎州司

雲南省

雲南府

大理府

臨安府

楚雄府

曲靖軍民府

武定府

麗江府

貴州省

普安州

已上俱梁州

鬼分

四川省

馬湖府

梁州

柳分

河南省

河南府

豫州

星分

貴州省 銅仁府

荊州

張分

河南省 南陽府

豫州

翼分

施州衛指揮司

荆梁二州

軫分

平茶洞長官司

荆梁二州

翼軫分

湖廣省 武昌府 德安府 荊州府 岳州府

長沙府 寶慶府 衡州府 常德府

辰州府 永州府 沔陽州 安陸州

靜州 郴州 已上俱 襄陽府 荊州 荊豫二州

廣西省 桂林府 平樂府 荊州 南寧府 揚州

貴州省 黎平府 荊州

四川省 夔州府 荊梁二州

廣東省 廉州府

廣西省 柳州府 慶遠府 潯州府 俱粵地

已上四府不入禹貢以星分同而附之

井鬼翼軫分

陝西省 漢中府 梁雍二州

禹貢星躔不載之地

雲南省 蒙化府 景東府 廣南府 鎮沅府

永寧府 順寧府 北勝州 姚州府

鶴慶府 尋甸府 元江府 龍馬司

者樂司 瀾滄司 騰衝司 車里司

木邦司 孟養司 緬甸司 八百甸司

老撾甸司 孟定司 孟艮府 南甸府

干崖司 隴川司 威遠州 灣甸州

鎮康州 大候府 鈕兀司 芒市司

貴州省 思州府 鎮寧州 安順州 金筑司

普定司 新添司 干越司 龍里司

都勻司 畢節司 威清衛 清平衛

平壩衛 安南衛

廣西省 太平府 田州府 思明府 思恩府

鎮安府 泗城州 利州 奉議州

向武州 都康州 龍州 江州

思陵州 上林司 安隆司

右按一統志如前地不入禹貢故從右在蠻荒部落亦
不入星躔之度愚意以天無不覆特以不係中國重
輕故先哲不暇深究後之作者無所考證故亦不敢

揣摩而附益之也備載篇終以表天朝拓地之盛云

天河起沒

按天漢有圖無歌故為補之

天河一名曰天漢起自東方箕尾間遂乃分為南北道
南經傳說入魚淵開篇載弁鳴河鼓北經龜宿貫箕邊
次絡斗魁胃左旗又合南道天津湄二道相合西南行
分夾瓠瓜絡人星杵畔造父騰蛇精王良附路閣道平
登此太陵從天船直到卷舌又南征五車駕向北河南
東井水路入吾驂水位過了東南游次經南道向關丘

天狗天紀與天稷七星南畔天河沒

天河起東方經箕尾之間謂之天河亦謂之漢津乃
分為二道其南經傳說魚籥天弁河鼓其北經龜貫
箕下次絡南斗魁左旗主天津下而合南道乃西南
行又分夾瓠星絡人星杵造父騰蛇王良附路閣道
北經太陵天船卷舌而南行絡五車經北河之南入
東井水位東南行絡南河關丘天狗天紀天稷在七
星南而沒衡云津漢省金之氣也其本曰水

七曜

日日循黃道東行一日一夜行一度三百六十五日有奇而周天行東陸謂之春行南陸謂之夏行西陸謂之秋行北陸謂之冬所以成陰陽寒暑之節是故傳云日為太陽之精主生養萬物恩德人君之象也人君有瑕必露其慝以告示焉王者修德以禳之

月月太陰之精也其形圓其質清日光照之則見其明日光不照則謂之魄故月望之日日月相望人居其間

盡觀其明故形圓也二弦之日日照其側人觀其旁故半魄也晦朔之日日照其表人在其裏故不見也其行有遲疾其極遲則一日行十二度強其極速則一日行十四度半強遲則漸疾疾則漸遲二十七日半強而遲疾一終矣又月行之道斜帶黃道十三日有奇在黃道表又十三日有奇在黃道裏表裏去黃道極遠者去黃道六度二十七日有奇陰陽一終衡云對日之衡其大如日日光不照謂之暗虛闇虛逢日則日食值星則星

亡今歷家月望行黃道則值闇虛矣值闇虛有表裏淺深故食有南北多少月為太陰之精以之配日女主之象也以之比德刑罰之義列之朝廷諸侯大臣之象也謹按丹元子二十八宿及三元之歌所以為美者以其句中有圖言不見象而不談災祥至行有五篇吟則反是且五星為緯而行無定體可以算數推以圖象求之今五行既無圖象而極論災祥未必丹元子之作也其言誣濫在所不取

木歲星曰東方春木於人五常仁也五事貌也仁虧貌失
迎春令傷木氣則罰見歲星歲星盈縮以舍國命又主福
主大司農主齊吳主司天下諸侯人君之過主歲五穀赤
而角其國昌赤黃而沈其野大穰張衡云歲星者東方之
精蒼帝之子一名攝提一名重華一名應星一名紀星晉
灼曰太歲在四仲則歲行三宿太歲在四孟四季則歲行
二宿二八十六三四十而二行二十八宿十二歲而周天
火熒惑曰南方夏火禮也視也禮虧視失逆夏令傷火氣

罰見熒惑熒惑法使行無常各以舍國命為亂為賊為喪為疾為兵為飢又曰熒惑主大鴻臚主死喪主司空又為司馬主楚越以南又司天下羣臣之過司奢驕亡亂妖孽主歲成敗又為理外為理兵內為理政為天子之理也故曰雖有明天子必視熒惑所在張衡云熒惑為執法之星其精為風伯之師或童兒歌謠嬉戲晉灼曰熒惑常以十月入朝太微受制而出行列宿司無道出入無常也每二歲而一周天

土鎮星中央季夏土信也思心也仁義禮智以信為主
貌言視聽以心為政故四星皆失鎮乃為之動一曰填
為黃帝之德女主之象主德厚安危存亡之機司天下
女主之過又曰天子之星也衡云填星者黃帝之子女
主之象也一名地侯晉灼曰常以甲辰之始建斗之歲
填行一宿二十八歲而周天

金太白曰西方秋金也義言也義虧言失逆秋令傷金
氣罰見太白太白進退以候兵高卑遲速靜躁見伏用

兵皆象之吉又曰太白大臣其號上公也大司馬位謹
候此張衡云太白者白帝之子一名火政一名管星一
名明堂一名文表一名太皞一名終星一名天相一名
天浩一名序星一名梁星一名威星一名大囂一名大
足晉灼曰常以正月甲寅與熒惑晨出東方二百四十
日而入四十日又出西方二百四十日而入三十
五日而復出東方出以辰戌入以丑未一歲而周天
水星星北方冬水智也聽也智虧聽失逆冬令傷水氣

罰見辰星見則主刑主廷尉主燕趙又為燕趙代以比
宰相之象亦為殺伐之氣戰鬪之象又曰軍於野辰星
為偏將之象衡云辰星亦名勾星一名爨星一名伺星
晉灼曰常以二月春分見奎婁五月夏至見東井八月
秋分見角亢十一月冬至見牽牛出以辰戌入以丑未
二旬而入晨候之東方夕候之西方一歲而一周天

十二次度

十二次班固取三統歷十二次配十二野其言最詳又

有費直說周易蔡邕月令章句所言頗有先後魏太史令陳卓更言郡國所入宿度今附而次之

自軫十二度至氐四度為壽星於辰在辰鄭之分野屬兗州費直起軫七度蔡邕起軫六度

自氐五度至尾九度為大火於辰在卯宋之分野屬豫州費直起氐十一度蔡邕起亢八度

自尾十度至斗十一度為析木於辰在寅燕之分野屬幽州費直起尾九度蔡邕起尾四度

自斗十二度至女七度為星紀於辰在丑吳越分野屬
揚州費直起斗十度蔡邕起斗六度

自女八度至危十五度為玄枵於辰在子齊之分野屬
青州費直起女六度蔡邕起女二度

自危十六度至奎四度為娵訾於辰在亥衛之分野屬
并州費直起危十四度蔡邕起危十度

自奎五度至胃六度為降婁於辰在戌魯之分野屬徐
州費直起奎二度蔡邕起危十度

自胃七度至畢十一度為大梁於辰在酉趙之分野屬冀州費直起婁十度蔡邕起胃一度

自畢十二度至井十五度為實沈於辰在申魏之分野屬益州費直起畢九度蔡邕起畢六度

自井十六度至柳八度為鶉首於辰在未秦之分野屬雍州費直起井十二度蔡邕起井十度

自柳九度至張十六度為鶉火於辰在午周之分野屬三河費直起柳五度蔡邕起柳三度

自張十七度至軫十一度為鶉尾於辰在巳楚之分野
屬荊州費直起張十三度蔡邕起張十二度

州郡躔次

陳卓

范蠡

鬼谷先生

張良

諸葛亮

譙周

京房

張衡並云

角亢氐鄭兖州

東郡入角一度

東平任城山陰入角六度

濟陰入氐一度

濟北陳留入亢五度

東平入氐七度

泰山入角十二度

房心宋豫州

潁川入房一度

汝南入房三度

沛郡入房四度

梁國入房五度

淮陰入心一度

魯國入心三度

楚國入房四度

箕尾燕幽州

涼州入箕十度

上谷入箕三度

漁陽入尾一度

右北平入尾七度

西河上郡北地遼西東入尾十度

涿郡入尾七度

渤海入箕一度

樂浪入箕三度

玄菟入箕六度

廣陽入箕九度

斗牛女吳越揚州

九江入斗一度

廬江入斗六度

豫章入斗十度

丹陽入斗十六度

會稽入牛一度

臨淮入牛四度

廣陵入牛八度

泗水入女一度

六安入女六度

虛危齊青州

齊國入虛六度

北海入虛九度

濟南入危一度

樂安入危四度

東萊入危九度

平原入危十一度

菑川入危十四度

室壁衛井州

安定入室一度

天水入室八度

隴西入室四度

酒泉入室十一度

張掖入室十二度

武都入室二度

金城入室四度

武威入室六度

敦煌入室八度

奎婁胃魯徐州

東海入室一度

琅琊入室六度

高密入婁六度

一作或作

城陽入婁九度

膠東入胃一度

昂畢趙冀州

魏郡入昂一度

鉅鹿入昂三度

恒山入昂三度

廣平入昂七度

中山入昂一度

清河入昂九度

信都入昂三度

趙郡入昂八度

安平入昂四度

河間入昂十度

真定入畢十三度

背參魏益州

廣漢入背一度

越雋入背三度

蜀郡入參一度

犍為入參三度

牂河入參五度

巴蜀入參八度

漢中入參九度

益州入參七度

井鬼秦雍州

雲中入井一度

定襄入井八度

鴈門入井十六度 代郡入井二十八度

太原入井二十九度

或作十九

上黨入鬼二度

柳星張周三輔

弘農入柳一度 河南入星三度

河東入張一度 河內入張九度

翼軫楚荊州

南陽入翼六度 南郡入翼十度

江夏入翼十二度

零陵入軫十一度

桂陽入軫六度

武陵入軫十一度

長沙入軫十六度

黃道度數

古今不同今從夾祭所取

角^{十二度}亢^{九度}氐^{十六度}

房^{六度}心^{六度}

尾^{十九度}箕^{十一度}

斗^{二十度}牛^{七度}

女^{十一度}虛^{九度}

危^{十六度}室^{十七度}壁^{九度}

奎^{十六度}婁^{十二度}

胃^{十五度}昂^{十六度}

畢^{十七度}觜^{一度}參^{十度}

井^{三十度}鬼^{二度}

柳^{十四度}星^{七度}

張^{十七度}翼^{十九度}軫^{十七度}

十二辰同異

太初 費直 蔡邕 皇甫謐 晉志 唐志 熙寧志

子 斗^{十三} 女^六 女^二 女^八 女^八 女^五 女^七

亥 危^{十六} 危^{十四} 危^十 危^{十七} 危^{十六} 危^{十三} 危^{十五}

戌 奎^五 奎^八 壁^八 奎^五 奎^五 奎^二 奎^四

酉 胃^七 婁^一 胃^一 胃^七 胃^四 胃^七 胃^六

申 畢^{十三} 畢^九 畢^六 畢^{十二} 畢^{十二} 畢^十 畢^{十一}

未 井^{十六} 井^{十二} 井^十 井^{十六} 井^{十六} 井^{十二} 井^{十五}

午 柳^九 柳^五 柳^三 柳^九 柳^九 柳^七 柳^八

巳 張^{十六} 張^{十三} 張^{十二} 張^{十八} 張^{十七} 張^{十五} 張^{十六}

辰 軫^{十二} 軫^七 軫^六 軫^{十二} 軫^{十二} 軫^十 軫^{十一}

卯 氐^五 氐^{十一} 氐^八 氐^五 氐^五 氐^二 氐^四

寅 尾^十 尾^九 尾^四 尾^十 尾^十 尾^七 尾^九

丑 斗^{十二} 斗^十 斗^六 斗^{十一} 斗^{十二} 斗^十 斗^{十一}


中昏更二更三更四更五中曉
太高室二胃一腎半井干十張少五軫
半五奎半三昂半四井半八柳半八翼半一亢
太六婁九畢少井少一張半四軫半五氏
三十胃八參二鬼六十張一角三房
七畢半五井一星半三翼二亢半四尾
半八參半初鬼十張太八軫半四氏少五尾
半六井少初星少八翼六角三亢太七箕
少二柳少土張少六軫少八亢少五尾半七箕
七星少土翼少五角半五氏八十尾八斗
一翼半十軫半初氏少二尾太一斗半三斗
一軫太一角少一房太七尾少五斗太七女
半一角太氏太六尾少三斗半三牛太九虛

更四更五中曉
太斗少十女三十危冬
初女半三危半土室小寒
太三虛三室半四奎大寒
少九危四壁太三婁立春
少八室半土奎半三胃雨水
八壁少三胃少八畢驚蟄
半土奎半八昂少初井春分
半三胃少土畢十二井清明
太五昂少三井太三柳穀雨
半十畢半三井半初張立夏
半八參半一柳八初翼小滿
少高井少三星少初軫芒種

在日去極黃道
太二斗少五百
五三斗半高百
少七女二十百
半土虛少八百
半高危少三百
太土室半支九
十壁少土九
少五奎少五午
半一胃少十九
半二昂半高七
太六畢半少七
四參八十六

三 更 二 更 昏 中 黃 去 極 日 在


夏至	十	井	少	老	六	五	亢	半	一	心	四	箕
小暑	半	井	少	老	六	半	氏	半	士	尾	少	八
大暑	太	七	柳	少	十	七	心	七	箕	三	斗	斗
立秋	七	星	半	四	辛	半	士	尾	十	斗	半	三
處暑	老	張	太	九	辛	太	四	箕	三	斗	少	六
白露	半	士	翼	少	五	半	少	四	斗	半	一	女
秋分	半	九	軫	少	士	九	五	斗	二	虛	半	七
寒露	五	十	角	少	七	半	柔	斗	少	四	危	太
霜降	六	亢	少	三	百	半	二	女	太	其	危	少
立冬	少	五	氏	少	八	百	太	一	虛	半	士	室
小雪	半	四	尾	二	十	百	太	三	危	一	奎	少
大雪	半	二	箕	半	高	百	半	高	危	太	二	奎



天丈便覽一帙地志附焉不以名天至大也地其中物也故古惟難知天者博雅君子心亦大苦矣孤自知學見柳塘楊先生釐刻天文地理圖跋如衛拱璧時取披閱沈思知其次舍分野有引而不發之意幾欲發之率為舉子業牽制弗遂迨今名幸玷籍而以先人之憂專席在疚乃克蒐校草就其規垣列象宿舍分屬俱出丹元子之步天歌星次時宮度數參以甘石經之天文志青囊經之天官篇而古今地志分野星列則均以一統

志為是初不敢有所臆見於其間然亦不過了此罪案
非欲持此以長談天者喙天本無體以星為象但西北
常傾覆地上而可見者一百八十二度半在地下者如
之星周于天北極出地三十六度南極入地亦如之若
察其象地上之天可辨也地下之天其無星者乎至于
星分隸地以十二州十二國麗十二時宮之數而天地
齊然亦十萬里幅員之內若出乎濛汜入乎崦嵫皆非
內也則茫無際涯於幅員外者四十餘萬里豈皆無天

之地乎世有談天者拘拘局分野以神其術僥倖一中
而謂天亦可知是小天地天地之罪人也孤不揣陋謬
有此作不終其辨又斯人之罪也斯人之罪也正德已
己之季秋東洲居士謹識



東洲初稿卷十

欽定四庫全書

集部
東洲初稿卷十二

詳校官庶吉士_臣李如筠

中書_臣劉源溥覆勘

總校官庶吉士_臣何思鈞

校對官助教_臣卜惟吉

謄錄監生_臣袁瑩

欽定四庫全書

東洲初稿卷十一

明 夏良勝 撰

仕止隨錄

北瞻

人日啟行

栢酒漫將隨意話
金花聊爾笑顏看
丈夫弧矢志應遠
廊廟江湖盟未寒
庭草無人春自好
落梅高調瑟須彈

此身本是無歸定也信人間離別難

過二陸祠

道源有派開千古動靜差池只一間朱學未教非陸學
象山況復有梭山法懸竹簡無多事丹在心田見幾還
誰為兩家下勅敵筆鋒挂閣共觀瀾

登龍虎山

振衣初上最高亭數斷歸鴉萬點青龍虎驤騰勝方外
羽翰真幻付山靈喧溪濺雪吹魚浪古木當風亂鶴聲

西北望窮眠不得坐看涼月過閑庭

貴溪晚行

向晚不停棹春愁近有無山迷孤窟避

汝和有政
譽故云

江濶

鳥飛孤沾袖聞漁笛開窻看牧圖一尊破寥落遮莫亂
籌呼

弋陽向夕

煙樹荒村裏風波笑語中雲開放斜日天畔見高峯逐
漸鄉山遠淺深春色同願將心化燭長夜為君紅

鉛山道中

宿昔鉛山道蘭橈款款移僕先雞黍約毛舉鳳凰池

以費

氏諸彦素與善也

犬護柴荆舊鳥栖草樹迷東風重回首指點

不須疑

玉山公署和三厓壁間韵因寄之

月光千里共吟榻幾人連未信靈槎使能通織女躔公

案持先訓

三厓泗州後也

軍門億晉駢

近得傳訴錄

春風更搖落勁

草擬君賢

元宵夜侍孫中丞先生宴歸燈月交輝感而賦
此

輕船疾棹來信州盱江江頭別幾秋厚祿日來分雇直

公每念予貧輒分公贖故云

長緘風便廢登樓

公不鄙予迂冗月必見問訊

習池

霞綺樽前共峴首功名竹上收歌側未歸歸便睡月華
燈影倍時憂

草萍道中

天地只一寰誰謂吳楚隔風土亦類家鄉音覺為客官

程數漸多旅懷何止百擾擾行路人總為形骸役

三衢過趙清獻公祠

四望風光冷色侵獨留高塚卧蕭森庭棲野鶴如相對
屋照孤松只自吟若有匡時隨地策誰將深夜告天心
西安城外橫江雨長與貪夫一洗襟

有問

去路曾歸路離家便憶家岸楊初足雨汀草半眠沙放
眼自廖廓垂頭空嘆嗟郵亭勞驛使長問是京華

蘭溪侍楓山先生教賦一首

水鷗冒鹿又何疑
方寸澄澄便得師
千里獨當吾道擔
寸心長在中興時
鹿門煙霧從前塞
禹穴風雲寄後思
安石去偏還用得
賈生踈密幾人知

語次及更革制度故云

懷虞佐道長

我憶唐子方永日
得長夜念昔歌復詩
頓失陶與謝佳兒
汗已血老母景逾
蔗昆明雨絲絲萬
里空悲咤

虞佐按南

詔未歸當有不堪其情者也

嚴州道中

曉來雙棹破江煙，
軋軋聲喧廢晏眠。
賸有懷迂移屋住，
應無人索買山錢。
沉淪老鱸那供饌，
三兩浮鷗來近船。
漢業即今竟何有，
富春耕鋤始知年。

感舊事一絕

春如吾境強登樓，
山似迎人識舊遊。
卻憶伶俜十年事，
好懷須信是虛舟。

夜泊桐江風雨大作次早復晴賦此志之

江號一夜浪拍石風吼萬壑雨翻盆山鷄亂啼錯更鼓
村翁蚤起呼兒孫陰晴倏忽自變態上下舟航難共論
中流擊楫何所誓報答昇平寬至尊

過釣臺

長安領得敝裘還渭老風流只一間士節盡教如此重
漢庭終古對南山

只緣輕與帝王辭煙雨桐江老釣絲立懦廉貪風味在
定須清慮拜公祠

錢塘卽事

只有青山無改時
十年來往百年思
巡籤怕讀奸臣傳
刻日來尋武穆祠
短鬢湖光蓋照我
媚人春色急催詩
愁來默數興亡事
官燭今宵費幾枝

林端好鳥更知時
喚起遊人百種思
蚤似少林成遁迹
誰耽厚祿乞宮祠
低回南國全歸數
歌舞西湖莫費詩
天與懦夫留壯勇
箭厓恨不兩三枝

漾漾西湖履舄間
鏡光無意照愁顏
忍聽烏鳥爭枯苑

朗誦營蠅集棘樊少壯經過今幾度宴遊緣分半生慳
雨餘風落林梢淚頻式肩輿當倚闌

未分忠岳與奸秦誤國誰知屬老臣

謂張公
後也

歸路兩宮

羝乳約獄詞三字死生人調高白雪難為和上價黃金
莫贖身十二飛牌今在否褒忠曾下幾絲綸

淞江驛別毛汝厲年兄

富春山麓柁移時消息真傳近友師鷁鳥勁趨知舊路
驪駒因壘對新詞鳴榔聲裏愁憎酒魚艇磯頭看放絲

千里雲泥一江水幾時相見慰相思

望江口有懷小川董學士

江風清送鴈聲過學士文章不換鵝擬向山陰添故事
扁舟數問夜如何

東溟日近隨心捧北極雲高望眼遙須信國謀多野獲
草玄何意解人嘲

別邵思抑年兄

船泊西塘日轉陰風生談麈夜凌侵明朝更屬東風便

千里相思午夢沉

腹笥真藏幾萬兵少年誰許果逃名
東山信有蒼生念
翹首時時望遠旌

吳中雜詠

入眼驚時地何心續勝遊
樓遲行路怨消息問家愁未
辦予猷興忽生張翰秋吳歆
兼楚語江漢欲東流

瞰岸沉沉宇遙瞻周夏宮
兒童百年語烝禰四時同江
草春生雨舟航夜渡風寸心
留國計編簡有遺功

慨古應如昨淘金幾浪沙誰懸伍子目長捍闔閭家越
幕棲鳥上楚山歸燕斜鴟夷一了事萬戶敢忘奢

郢客吳遊自古今傷懷無似此番深為耽魚飯頻移棹
莫放鶯花補樹陰無路可能追紫塞有臺那肯築黃金
傾城信是還傾國亂疊愁雲上莫岑

錫山作

侍泉齋先生教感而賦此

惠泉淪茗幾貪嘗一碗嚴更百慮忘文墨傳來空眼界

道腴真處緒頭長床前甕在還開閣壁上錢荒數探囊
桃李春深漸佳境宣公窮索在醫方

京口作

邃翁示家集數冊其邃庵石淙待隱詩皆收
鄙作獨介壽集以不及預慶為闕典也命次
涯翁韻一首

前朝司馬今應無後生描畫丹青圖九原而作知翁是
執鞭我願驅前徒起家名策尚童子憂懼忽見霜毛踈

頌聲琅琅奏金石鬼斧鑿破渾沌初擬翁前瞻踵後武
有眼如星力如虎吐吞江海隘乾坤卻笑人家設城府
手拈文管植範模氣指甲兵迴練組英豪挾世故振奮
安係好尚武與文容臺禮樂黼黻新考校入望雲錦塵
膚功一奏一駭聽令人追咎造物賦才恒不均隨事建
立殊邁倫人生何恨生不辰竒遭見竒事國相追國士
小車方識洛中兒花占蚤見揚州寺萬里城方寸地出
處何拘更何意邊防不識狼烽煙壯哉鼓吹恒經世少

年紀得橫槩詩只今口誦心惟之豈徒咀嚼示休暇大
雅一振知音希奸回腹劍還戟口意筭函尸翁袖手帝
嘉迺績亟還翁望裏春城回北斗大農國計孰主張損
上益下疏議首羹牆見堯階夢寐師魯叟流民曾畫鄭
卿圖美珠不受王公酒中朝夙望孰逾翁銓衡屬任明
且公廟廊巖穴盡拭目黜浮崇雅坐看士類回淳風翁
名繼麟閣翁心附冥鴻黃扉一上疏再通若丙與魏異
卻同待隱園丁促盟約東山依舊隨耕農翁今年才六

十餘五湖蚤畫秋堂中習池梁園信步穩放歌走筆驚
蛇蟲嗚呼更於何處尋壺蓬金焦日照江西東祇恐路
公不是丘園老氣求聲應不獨琴鶴堪為從

金山寺

怒濤鬪山骨撼坼壯心降天地立封界南北此長江

妙高臺

窮目幾千里淒涼一上臺臨安即故國淵聖望中回

善才石

水落童石立若護心經
函江風吹細雨疑是到商巖

留雲亭

野亭開水寺江靜見雲飛
杳紕歸來晚丹楓欲上衣

吞海亭

山削冰波瘦水圍山麓幽
海風寒佛骨亭納半江秋

仙人洞

水霧迷陰洞東明卻對窻
鐘聲割昏曉仙子浴晴瀧

郭璞墓

堪輿亦許大不侔七尺軀空云奪神功委骨江之隅

揚州過董子祠

欲分王伯源頭路只在毫釐義利間正學千年迷魯道
漢儒獨得見南山青芻伏臘薦今古白石嶙峋接孟顏
老栢森森蔭新宇江都春鳥咏闕闕

文山祠

帝輦沉淪海角悲相臣先退豈吾私直須得死方為策
未信遭時別有師戎醜自仇書大傳艱危隨地合新祠

淮西果屬庭芝旅涕淚而今異所思

瓊花觀

漫櫓低聲唱浪沙餘哀尚寄野人家誰將王業中原地
祇換揚州滿樹花

謝總運叢老先生啟

良勝嘗聞人士恒言士之遇何其難也而知又何其難
也及讀韓子謂書再上而志不得通足三及門而閤人
辭焉作而嘆曰士惟求遇之易也宜其得遇之難也是

以膠志牢守竟不可破自通朝籍十餘年非統屬知舊之門未敢重留履迹宜謂真有所知蓋不敢圖難於易云爾若閣下碩德重望自結髮從學已知傾慕暨逮事材館每預聞論列咸曰閣下一代偉人百僚師讓凡入龍門之選並為不世之遇然而竟不能懷刺一致起居實坐執迷前志敢以簡亢自遂終為君子之門之棄也哉屬者忍死釋禪凡六七逾冀朔自計力絀於時一莫負荷甘於拙養無復出志以山谷僻處傳聞失真近知

巡轍固攸居臣子義不容苟安故昉奔問官守省視器
具之制單舟抗流義不可越徑而往得遂庭謁迺辱殊
遇直欲破畦畛以相示進而與言皆經國遠猷若不以
迂曲薄視即夙契然因隱度之使周公在當時吐哺握
髮之勤亦如是也及坐聞命醫數語曰毋媚曰毋貨醫
有相道也古大臣休休之度亦如是語次及吾圭峯大
節必曰古人古人又窺見好惡之情有出於驪黃牝牡
之外者也以是自非往者迂固為甚若今所謂知而遇

也在人為難而良勝為易祇恐自今以失又莫知何從而得也用敢自信自效畢見情實罔有遺慮漫致可否方虞寡學匪識時務任情放論並取斥議重荷優納復見獎許遠致嘉冊再拜登受端几縱觀易拔迺卒業仰測大端意向漕運錄期以勸忠貽範錄足以起孝先儒謂讀出師表而不流涕者必不忠讀陳情表而不流涕者必不孝良勝於二錄亦敢云然近世有士大夫為憤世論者每曰今日須一用秦法謂彼若犧尊青黃徒突

於木者忠孝理道萬世不可磨滅凡立言著書有關於
是雖盈箱積帙何病其多固知斯錄為必傳者也惟傳
之也欲久故議之也欲盡每見他刻凡涉聖製國書必
列首簡謂不敢有所先示尊尊也諸制勅若附錄然者
竊意高明欲要其成之義也貽範錄之後諸銘表義放
此但其間亦有數字愚昧未通其義謹用標致附以請
教逆知體國至念與善虛懷進于初必容于後垂於遠
必謀于終縷覲之詞果無足聽一付之覆瓿而已語曰

言及之而不言謂之隱未見顏色而言謂之瞽良勝謏
劣無似誠不敢以隱瞽自命閤下矜其志不以躁例之
也若然士之知遇信亦有幾而士之相見必通于贅古
有以文贅者而舊草多厖詞贅語莫切世用無文等耳
議淮一首畧涉大故郡志於貢賦一目時寓鄙見方今
東南重寄獨仗威鎮德濡國脉攸賴而敝郡漕兌藉是
以騰几閤則閤下所謂絜矩之政將必以弛張之矣草
率有冒昌威不勝悚栗

宿遷舟次盧侍御濟川誦花瑞詩索和一律

托根何地別孤寒
花信牽君重倚欄
冶色直饒隨世好
赤心應補活民丹
詩魔細律緣多瘦
酒令催籌報劇乾
分付東風還大化
好懷留與隔年看

寓彭城劉東岡僉憲見示為康民部德充賦來
鶴詩強予和之

臘殘空有頌客境
欲無樓鶴唳驚遲
莫鳴聲動遠秋禹
封司異貢

康方有
事漕司

漢業慨同遊
獨立修然處
江淮正合

流

東岡以前韻見贈和答一首

孤舟銷刻燭方駕幾登樓對壘心逾壯驚筵氣薄秋直
史來周覽悲歌激浪遊君方力似虎長嘯下中流

用前韻別樊太守曰式

夢中徐孺榻江上仲宣樓朔漠雲連日彭城春似秋蘓
堂添子咏山鳥狎人遊不盡英雄恨歌臺見上流

寓沛再寄曰式

楚臺荒戲馬坡律勝黃樓同調時時好殊方夜夜秋朱

陳村俵望

古豐沛有朱陳二姓居一村無行役苦故多壽人今然否

牛犢佩行遊晚

泊鳴江瀨清樽橫濁流

寄呂梁陳水部用蘓公寄呂梁仲公韻

徑草臺花入夢稀來魚去鴈目雲時羞添髮短臨青鏡

笑入眉間見紫芝懸水迅奔三十仞乘墉經畫百年遲

君方築小石城地方便彭城舊有逍遙約水部詩人憶

之而前輩未之及故云

子期

王禹偁云古之詩人多求水部

清明有作

春過太半風尚寒細柳搖青拂露冠杜老獨憐花霧遠
綿山誰作畫圖看酒兵愧我非鵝鶴詩將隨人笑苦酸
蜀鳥聲聲自南去不堪揮灑倚江干

二懷詩

追次董
墩韻

陳恭襄公

壯哉淮陽軍十二當雄國聖皇奮飛龍豪傑起明翼氣
數亦轉移勁健恒西北文皇鎮邊陲機務若飲食衛民

須有兵傷農頻問穡趕趕干城侯煌煌偃僂勅帝曰咨
若庸臣哉其爾式永言輦洛圖大惜東南力諏度遍隱
淪安危恃豐嗇轉輸疾故徐牖實通還塞推心眷迺酬
睥目歌初息禹河鑿日長晏運功相億錫圭告成勞士
卒倍生色浩渺驚海濤倏忽任蠡測太常不盡書往事
重可憶食報有嚴祠務滋應茂植村翁走烝嘗牙纛問
典則落日經淮涯好風吹帽側故老談不休有口真碑

刻

周文襄公

鄉有公應重國非公已空高仰淮瀆祠鎮壓馮夷宮結髮
問學時平步雲霄中探幽乞禁近識字推元功曹司試
吏才盤錯歸遴充畿輔澤日沃叩閤長借功懷恩豈私
報樂善來東衷繰綵日杲杲玉燭春融融南土卧席背
上計無年凶一持屏翰心長沾溝壑窮握彼羸縮機莫
知闕節通蕭颯鏡中白憂勞泣下紅勲勩上鼎鉉履幘
歸旂幪國儲富萬艘君門達四聰貽謀自許遠抱節完

初終樊間止蠅詩塞上失馬翁連阡芟止桑百歲鳴條
風合抱棄寸朽穎實傷螟螽道傍傲後生懷憤匪約同
短棹臨江浦分明涇渭東

宿遷午泊阻風

黃流滔滔日東注岸囀風濤繫舟處栢人畏縣驅軍行

宿遷慣客留人住諫臺車蓋臨江干

時王給舍盧侍御先辱枉顧驚

走老稚攀頽牆銀河直捲三萬里老樹撼蹶千夫降王
公先登盧公坐促饌交觥只兩箇酒酣向晚詩興豪扣

舳一倡須三和

過下邳

官棹如瓠歷泗濱引觴命酌忘主賓微軀拚廢連宵睡
可有當年圯上人

觀呂梁水

雲恠擁石立雪消無浪通孔道只數語

見家語云云

禹圖何

萬洪方識刺船手應多火長功舟航日上下到省願天

風

寓彭城宿曰式刺史公寓登逍遙堂有懷東山

伯兄蕙謝曰式

官程一月到彭城木末有鳥鳴嚶嚶官舟十日留彭城
沙頭鴈落參差行誰謂客懷去住慣春心太損春衣綻
春夢沉沉好弟兄惺來分散安如鴈樊侯地主薦醕芳
河魚細剝春葱長

黃河魚亦佳品也

逍遙堂中發清響惠州香

飯供蘓郎求聲如鳥未足擬更箭頻添莫問之直到雞

鳴數行下蕭蕭風雨連床詩

二蘓連床風雨之作正此堂也

奉次涯翁詠邃翁園居十絕

坐月亭

榻破月光白衣沾樹影青小亭人獨坐窗外風冷冷

悠然堂

南山有佳趣陶令先得之揭堂還笑歌異代逢子期

利涉橋

斷岸連孤力浮天隔自明雪驢梅一樹今見幾人行

活水池

乍落堪容月頻添不繫春天光與上下方認道形真

運池

舒紅照柳岸捲碧開萍池匡廬亦咫尺愛人非愛詞

菜畦

學圃不種花芳尊可無菜一犁春雨深天工試巧槭

水竹居

地偏屋自幽塘空林補足灑然來清風君子不變俗

竹深處

斬竹踈更密誅茅淺亦深主人養竹技夙契養賢心

丁卯橋二

橋好詩更好古今經幾渾看雲入天際叩杖驚天孫
五湖堪入畫誰復獻生辰只今丁卯橋有翁如畫人

題吳令李文極獻宸卷

上林一躍馬與君相見期東吳叶民風北面陳天墀
蕉鹿信夢覺山雉相追隨誰當太史公洞庭今二夢

政議

余北上舟次于沛聞孝貞太皇后哀詔廢業臨哭如
禮遵制易月服除行且近政因以素所懷疑欲覩諸
友朋而圖以建立者次錄于簡曰政議要錄

議久任

凡今言治者必曰久任然在今則有勢不能者先朝官
不必備亦惟其人用之不苟去之不輕故尚書有歷三
考而上勲侍郎有滿九年而陞俸監司非課績而不代
郡縣或再任而并遷內外一致上下相安自逆瑾紛更

朝政之後雖經改正而老成耆舊未能悉復其宇浮薄
新進亦因自喪其資常設之員不可久虛邇遷之制不
容中止故如臺閣必自卿佐迺得內簡卿佐必自撫治
迺預廷薦科道部屬多自外僚而選補方面郡守半出
京職以均勞況夫因事設官員額已逾其故隨地按治
考核不待其終欲復久任其可得乎茲欲為便宜之議
除在京推選及在外堪補科道部屬方面堪補京堂官
照常轉陞外其餘在外方面府州縣等官若其才力風

土相宜一切轉遷不出本省既無奔逐之勞亦無荒廢之日送故迎新之費或可以汰其半簿書緣絕之奸或可以警其後苟簡蔽上者雖幸遷而不免敗露貪暴凌下者懼轉移而預有隄防是亦師久任之意而不必師其法庶獲長治之效而卒有要其成

議開例

天下多故諸司不得已而建救時之策或曰預處馬匹或曰接濟工程或曰急缺軍餉或曰賑濟饑荒其間若

吏員承差知印及王府等官無大關係亦各有區別處分獨生員遇例入監一節每當議處在諸司則取給一時以便國計在吏部則計慮久遠恐妨正途先年故事有即時執奏嫌隙竟張近年數舉迺隨地定額奔競肆起開例本非良法裁制更生弊端今南直隸浙江江西湖廣福建等處俱被水灾方萬里無有秋之望連數省懷艱食之憂欲請于上而內帑不足以備軍興欲處于官而外府不足以供上用前項事例必復有議行之者

既不能禁之不行亦須用蚤為之所竊意今國子監撥
歷先該戶部題准舉人監生納粟四六分撥事體最為
處置得宜抑且等級自辨若今選簿除先次既定外此
後若援例生員上選另作一簿待十餘年以後作搭選
事例如每選以十分為率舉人歲貢作六分舊例納銀
等項監生與新例納銀等項監生通作四分入選縱使
開例以十年為期以數十萬為率終不能為選法之病
仍行各處提學官凡生員考居一等者不許小就此例

蓋恐兩京解額或有妨碍又不免有紛更之議者

議儲畜

天下大命在畜積可不重與歷考祖宗成法最為詳密自江迤北若淮安徐州臨清德州等倉收積餘米昉古轉運之法其漕運雖當各處非常之灾沿途不虞之變率於各倉湊補四百萬石之數內除三十萬於天津及遮洋薊州收支外其三百七十萬以六分入京倉四分通州倉歲為常額先朝節省冗食人員時復裁損每歲

通計所出恒餘所入三分之一疊積因陳故議者有欲將四百萬數內裁損折價時戶部尚書楊公鼎以翰林出掌邦計考古卻慮執奏不可雖經劾論持之不變但曰某只能守成法它日或有知者後土木之變少保于公謙聽民取通倉道途米厚數寸京師隱然有所恃議者果伏楊公深識非所及也孝廟時有申前議尚書周公經舉楊公議力罷之逆瑾紛更尚書劉公璣不容抗議而折價之條著以為令冗食之員日有所增每歲所

入將不能供所出矣側聞大倉支數已過正德九年而正德十二年趨運未足通計京通二倉僅二年之積而天子軫念近畿荒歉減價出糶四十萬石其前項存積折銀所存無幾古謂國有九年之積者通民而計也畿內之人食于官者十之一凡民無他作業惟仰給大官通計官民才數月儲耳江南水潦懷襄昏墊而水次倉儲浥爛空虛來歲之運又不知何以為計有識之士獨寒心而已哉司大計者懇祈聖明節冗費裁冗食上策

也罷折價其次也該支人員俱赴通州臨倉水次新舊
支兌亦有舊例可行雖遠倉不若近倉之便勞費無多
使一歲如獲二歲之供畜積有漸又其次也今歲近畿
頗稱有收若將近賣米銀及先年積餘召商平糴又其
次也然移文奏牘須以近時平糴濟荒買補額數為說
若堂堂天朝而示四方以索亦非所以遷邪心而威遠
畧也

議吏役

諺云吏弊有如鼠穴謂其隨塞隨穿極難料理且如假吏一節其初通同令史或詐為劄付文書初叅偏方下縣或驛遞巡司衙門輒作丁憂事故以待服滿起送改撥即為真吏其有未及迴避遇有清查官員多作緣事患病等項名色以冀幸免又或占愴房分延捱不滿或屢經問革夤緣再充或預印空紙隨便起送是以吏部嚴立條格如暫撥聽候行查重歷為民等例極為周悉但恐防之愈密而巧避之機肆出疾之太甚而弄法之

志彌深茲欲為簡便之制凡巡按出京之時於都察院
領給印信劄付各職地方多寡其考中納銀及撥何衙
門歷役俱待臨時填註後面空紙分畫方眼令其逐事
填註如某年月日收叅何衙門初考某年月日何衙門
問擬何罪某年月日丁某憂俱用各經行衙門印記如
該轉叅縣吏憑縣正官府吏憑府正官各親筆填註通
查無碍應該轉叅如該送部布政司掌印官亦如府縣
官填註俱用印記若有洗改字樣亦各開註幾字一應

勘報結狀俱可省革該吏執此即為告身遇有問革即時追奪庶使文移清簡而奸弊難容推考精詳而典要易守

議學政

國家以人才為首務故學政所當深講也近年以來提學官往往招尤啟謗被論被逮甚於他官斯文大辱推其本原皆因官自為政人自為教未歷地方事宜預定教條名目或以稍更前令而嫌於尚同或欲斷自己出

而果於立異委的教出多門士無定守而易書翻刻重費徒勞又非所謂一道同風之意茲欲禮部通行天下提學官將所行學規各呈到部取其於勅諭有所發明補益會官公議經久可行者刻板送國子監印行每遇陞除提學官員在京者親領在外者連勅諭齎付一部如給領須知事體若謂隨地所宣又在各官酌量審處今天下文教久敷邊境漸易監規定于國初學士率知遵守使或因時而設教已先限人於匪才若使教統於

尊政出於一非惟足昭聖治同文之化亦可預止學徒
異議之端

和石洲遊西山一律

風蹬盤盤更草蹊短筇輕葛破巖棲鳴淙洗眼瞻天表
孤嘯憎狂下灤西白酒碧筒隨意好紫雲黃鳥見飛齊
知君有賦追陶謝青竹多留為指迷

又和崇陵一首

北邱南冠最愛山壯遊無負此君閒馬疲向老路先得

人語凌空天一間
翦草雨畦茵
萼合飛花雪澗錦
痕斑
丹梯望裏三千丈
方駕依依畫夢攀

奉月湖先生書

良勝聞之愛莫大於哀及其親知莫深於進登於善斯二者恒人之所難遇也在良勝則偶並得於大賢君子者若是將亦莫知其何從也感激無量方在聖室稽顙受械登薦書方誄詞載誦而積之所以永吾親者賴是古謂婦無誄而誄之可傳者自不能廢何幸何幸顧弗

類忘哀忍死尚有今日徒勦糟粕為應給人事路頭差
卻欲隸於韓柳門戶尚惧褫魄敢曰超一格直截為瀟
洛地耶承示定山詩曰才到通書便不同見定學到時
句也謹佩服之故郡書當局亦輒欲想像就平和處畢
竟筋骨俱露故態爾爾若其間義例大有背馳獨名宦
人物昉名臣錄則賢人之教廣矣感謝不盡啟

代諸同年申救甘同年書

人才首務也弭弛亦在所惜雖淪落猶將援之況視其

死者乎死刑重獄也情法所未麗雖道路猶且言之
況在所厚者乎甘生與某等同舉于鄉有兄弟之義方
其初識賓筵氣充而貌任才逸而論高於鄉評政議公
然否臧之無忌固壯之重之而親焉者寡也間有論其
世者或曰弗循于度故不齒于鄉也既而構于重獄鄉
人閔之士夫信之所司又從而媒孽之期成罪狀駭人
聽聞某等得之遠方猶意其有以來之也是以積有歲
月竟不敢申一喙引一手以相援亦知友朋之情朝廷

之法自有輕重終不可以私害公也屬者所聞又若異然使當法者以鬪論則毆于通衢非儒其衣冠者所與也以制縛論據所聞謂傷重而絕其筋骨不知何以畚至公庭至則自合驗治保候又何以寘于獄旬日而後死此皆情法有足矜疑者也信也是若市囂喧嘈耳目於遠而得其似衆論紛拏審決必久而得其平某等於足而猶坐視其斃於情於義亦大薄矣第德菲言輕未足以取信人殊地迥未可以豫通仰惟先生鄉邦重望

公論攸歸凡當有事公案乞轉致一詞必不追其既往之咎必不主於先入之言虛心平氣必得其情歐陽泗州云每為死者求生而不得則我與死者皆無憾矣是固慎用獄之意也亦惜才之意也某等亦非敢假義任情亂是非之公以壞天下之法也謹啟

劉希尹選部宅同僚友賞蓮一首

野色開孤思清分引澤癯蒼茫沒菰苻風雨見江湖卷
碧氣味古舒紅變態無冥搜共幽興歌側問歸途

復孫撫治先生

先是嘗祈便使削牘左右草草寒溫語爾近荷遠教奉以周旋古謂生死肉骨有如此者良勝素負梗隘雖未敢無擇而言言而放逸輒有不自暇顧惜者自謹厚視之不曰蘧篲則曰戚施良勝亦自計如所喻也閣下披而納之若沙堤以障屋溜是九方臯每索駿於格外者矣周視海內能幾人哉是以天下士諭及則致私慕竊有致憤者謂燭天之炬枉而寘之室使休光覃澤尚專

於一方而未亟咸於天下也在江右士則願借寇公於
河內不亶歲以為期也顧惟地方多故凋瘵甚矣元氣
內傷風邪乘腠裏待入者旁出無筭去歲以旱暵憂今
年以靈潦虐山澤之鳬渠方靖而江湖之蔓禍又延故
閣下望重而憂逾深躬勞而心亦瘁有必然者向坐次
得與聞寧坐不武為吾留之之判雅信老將登壇動有
成筭固知百敵繯侍一籌卻之有遺力矣近者南都奏
報青山之警亦非常調江於湖又相連接仰仗居重馭

輕嶷然山重尚祈此後使旌弗遠調度適中中朝士夫
之議之望無先於此簡孚罪案有要有倫其間破群疑
存大體末節從重以遏邪念又得殲厥渠魁意義真蓋
而自張踈而不漏老漢吏作用自別稱快敬服上下一
詞第中復視昔猶難諒已得西巡消息久矣良勝碌碌
予次即鹿林中不能舍去義不敢也方持議未決時冒
昧陳白孤煢待命席藁經旬所望天王聖明萬一開納
是非利害已付度外茲復容貸凡今皆幸生之日也雖

然敢以是為報稱云哉百爾思惟尚有不得效於君而期以效于相者若閣下保釐是司古使相也雖在瑣瑣旅次能一念忘邪方今賑濟之策人人欲言在在以為急務然恒以不得善而罷罷則寘而弗思不可也思而得秘而不言不可也程子謂天下事蓋有不能廢議論者非我為則彼為也請盡言之往者四方所謂旱潦云者或此甚而彼猶足以自全或早衰而晚僅能以充賦今連數省沉竈產蛙方萬里無寸土有秋之望下之為

命上之為供經畧之下必得至計宜於一方而可通於天下者將使天下士復有慶曰若閣下人也職雖制於一方而澤自流於天下雖羈窮落魄才薄知疎裁復餘情不勝欽望欽望

題紀德卷挽郭正學大理母

白髮易垂領黃金莫贖身如九連棘士當饁起田賓老
景新宮錦春毛冷澗蘋啼鳥到殘月愁聽見星人

禮云奔喪

者見星而行而舍也

贈鴻臚陸先生之南京

衰白遲清署深緋擁坐羶人惟舊自好官到久方遷隣

舍更三卜

近方遂隣好而公去矣

朝儀祝萬年尊鱸近鄉國應有

問歸船

奉遂翁先生

良勝獲侍教言方移寸晷虛徃而實歸至今逾莫朔者
已六七猶在耳也先儒謂終身迷惑一言了悟遂以共
話終宵勝讀十年者為淺今而後知信然者矣遠諗道

體履順平格壽徵固知以聲迹不及朝廷為盛致然杜
正獻公云退居以來家事百不關心獨未能忘國耳體
國名言流布既久天下後生信之望之以甚已日者
西巡消息諒先是閱邸報但中外洶洶色憂意測或謂
欲遍歷江南大搜珍奇以實外府為者近又聞邊徼來
賁先期奔匿有若清野為者從行有失初望而言中沮
者若然則宗社大幸也有識之士則曰審如是暫假一
息以自安耳安得起魏公於江上若所以靖苗劉之變

於待發者天不忘天下當必有是是非私言亦非敢有
私望也別摺附此請益垂覽萬幸萬幸若冒昧陳白畢
所以去志亦匪敢曰是所以為報稱云也是足以藉手
見知己云也八月望日良勝頓首啟

祭余安人文

仲粟
之母

嗚呼天地定名陰陽翊造曰母有儀曰婦有道夫焉以
承子焉以禱詎曰無攸遂之為宜而惟慎哲名之是蹈
若安人者政不踰閭賢聞于蚤有述君子維家之殷有

百斯男惟邦之彥是人道嗣徽音足昭王化之原而天
年赴中殞益慟人倫之變某等與令子同官相能而善
走吊而涕有從致生而俎斯奠貞靈不遠格茲終獻

輓鄒淑婦

元承考功之妹也

連翼蔽阿媛束縛歸狐山百夫悲嫺行孤淚傷春顏當
壚杳夢幻飛絮推才班季子亦何情掩袖隨東還

羅耕隱先生傳

夫人亦有異人者乎人之生也幼而壯壯而老老斯漸

已然有幼而若壯壯而不老老而死而若生于世世不
忘也斯其人亦異也哉東洲生曰余聞長老道邑有羅
耕隱者其若人云公國初人生磁龜里有奇質在襁褓
喜字書見則欲盤舞等弄具能言出語韻若習聲律時
傳言中朝將軍來里貴人洪氏家當籍頃果至老壯驚
匿兒絕迹公獨立道左跽以迎將軍示以足鞞大如襦
不色動將軍異之曰無恐兒隨我乎諾以去洪世儒構
樓藏書數千卷將軍立樓上散帙下如葉公立樓下若

探取狀縮手守不移所將軍曰兒好是乎曰諾指數卒盡舁以歸夫有靈物亦稟異氣出迺不羣類人固有然者公年甫十一父俊傑公司稅蘭溪以卒赴公哀甚兄大用既壯矣母孺人以迎喪為用任公迺告往母難之公告益堅母不能奪授以辭致蘭溪尹曰父初避仕潜漳浦母逮會赦父歸母遂釋真主當御父應召就薄祿非苟仕也且冀有憐者公時與舅氏往至惟公謁尹尹訝之問年以實對路幾何曰千四百里何以來曰驢一且

上且下步半之尹大驚曰是非常兒也迺徐致母欲言而逸其憐意尹厚貲以還喪事或曰漆邑女先若君幸免若父公少也明父志迺知擇君茲舉其類似耶非耶公自是屹然樹鄉望鄉亭有繫公必預聽時有他言主亭李某者怙富且長少公曰而具千履追我乎公作色曰直一履耳怒揭坐去益嚴門地環百里人事之擬漢鄉有秩伺門下直視鼻屏息謏足步且卻或令曰歸治爾業或頤使去旁邑或樂公振業徙者丐居復者丐田

至如歸也公嘗應年胥在縣勾軍使至坐縣衙虐甚尹
苦之公亦奮以族子興拳勇可任與偕入勾軍方杖胥
公挺身出褫隸杖委之庭摔勾軍下拳擊如杵聲勾軍
勢殺縣迺靖事上聞例亦頓解凡縣胥德公且畏懾公
罔有立異釣貨于公里者夫人有知胡弗如葵也葵衛
其足公知亦大矣衛其鄉及于比縣況于家乎余追問
其家之政氏族秩如也享燕有儀甲賓位丙丁隅乙居
甲丙之隅主位迄不移戊已以下在序偶遣主之偶無

遣匪人預必摔下之且令曰母令更參吾氏飲御家衆
稍不律詬聲震牆屋於姬媵無假借家事大治既五十
率就繩約閉戶坐一榻閣諸史几上信指取閱之於人
淑慝世興亡頓形喜怒怒則歔洞簫和之識者固知公
有史家胸次無所庸也後數十年公仲孫今少宰公某
稱良史氏雄文獨行為世珍異公有以遺之也少宰生
有娠祥公戒家人俾勿洩世不盡傳公卒用少宰貴贈
通議大夫南京吏部右侍郎人猶曰徵未艾也嗚呼草

澤之士非有奇迹著于家于鄉邑以光于先而裕于後也亦何以異于人人也哉

祭栢厓張老先生文

良勝聞之朝家取士在天下以掄魁之選為最君子論人在掄魁以一峯為最一峯不可作已而論者謂栢厓先生繼一峯魁選者也平生聲實斯足為埒制策萬言誠為之地視一峯之正紀綱者異詞而同意官僚讜論博野在廬視一峯之於南陽公百慮而一致若進位上

卿聯銜保傳令子若孫允文允武壽考令終此又人人
所難而栢厓兼之使人遺恨於一峯謂宜必致而中沮
也嗚呼栢厓又不作矣邦維典刑存亡莫竟有存若亡
有亡若存精感氣孚孰曰幽明而遽異途良勝生而維
後有諭一峯若步其踪遺文往迹翼翼其容況於栢厓
同建產也有侍硯席有連姍姍自童而壯式上以下茲
者懷祿遠方不獲相綽鞞之力于彼中野瓣香遙臨固
鄉舊交承之悲而搦筆志誅幸有得於天下之定論者

尚饗

諫西征疏

謹奏為懇留聖駕事臣聞子之道曰孝臣之道曰忠孝雖盡於克襄而保其身體猶在所重忠固先於法從而諉於疎逖亦所未安伏念臣忍死釋禪自分樗材不宜於用而徬徨就祖傳聞道語多失其真既入京師屢浹旬朔狗馬以近主而多憂論議每因時而過計雖分曹就列祇見昔不異今而朝議野謀漸若朝不及夕即今

孝貞太皇太后梓宮方殯抔土未乾而側聞龍馭邁征
清塵有日孤卿力有論思臺諫預陳疏議未蒙報可竟
爾留中豈謂託之空言卒莫能回逸志臣微且遠志樸
近愚冒進謏詞罔知納牖而遇巷容有偶中敢懲舉網
而罹鴻稽若齊援未及漢嗣潛危左右莫強長安之行
而老跛分骨肉之愛殿廷方陳嫡庶之分而商顏寄羽
翼之成臨枰方持於重圍旁觀或得於勝算於事於理
亦既有然在古在今詎云有間臣故不敢以遠為安以

言為諱亦不敢以高為論以激為名因時會理平物宣
情試為陛下言之方今暑氣未消秋陽惟烈近畿多荒
盜之餘沿邊又戎莽之地溽雨遺虐熱毒尚殷蒸鬱怨
謔疫癘時作殍屍枕藉良足傷心釵釧流離何能矚目
雖一人之慶澤無量而百靈之拱護惟虔起居食息未覺
違常困頓驅馳安足長恃況聞先時從行擁衛供給未
免於失期郡邑吏民煩費每難於卒辦前驅已無完城
後載斃於錯轂威嚴震蕩不敢以役數而懷歸部曲翺

翔固多以勞極而思潰且恒居樂所每不堪於離憂久
蹈危機幸得歸於安土披堅執銳孰若冠裳之榮習汲
突炊孰若宴羞之備羣趨隊處孰若妻子之娛露宿野
行孰若清嚴之第此又恒人之情也而曰彼獨無是哉
臣向聞傳奉聖旨以天時暄熱凡法司罪犯悉從寬免
夫天之時不以在京在外而異人之情不以有罪無罪
而殊陛下既矜及有罪矣於無罪臣民顧不念之哉既
知在京暄熱矣顧肯自輕萬乘而謂在外風氣有異乎

哉臣又竊伏思之往者聖駕初出而北征人或謂忘返
矣然當郊祀之期而亟歸再出而代邊人或謂懷安矣
然聞祖后之喪而奔赴近視山陵人亦未必就殯何期
也今臨窆而成禮矣是皆孝敬有得於夙成而行止每
由於獨斷屬者祔朝之虞逢天之警震電交庭方冀成
王之感悟燈燎俱燼必增宋室之隱憂仰惟英主轉移
恒出人情意料之不及而淵衷惕厲猶幸天心仁愛之
未忘向者既萌之孝敬擴之躬行今者無謂之巡遊必

旋報罷然而微臣必欲冒死一陳誠摠久蓄之孤懷以
畢奔問之初志伏望陛下及今若時以保聖躬迺就諒
闇以全聖孝既有以順臣民之情迺所以慰朝賢之望
包容疎逖使獲果於自效而班行法從迺能有以自安
臣不勝殞越待罪之至為此具本親齋謹具奏聞

東洲初稿卷十一